

Dr. Margarete Mahlknecht: mudaziun orar ambulatory (0474 52 3018 / 349 06 67 034)
 Lönesc S. Martin 10.00-12.00 Lungiarü 08.15-9.15 La Val 15.00-17.00
 dedolönesc S. Martin 16.00-19.15
 dedemesaledema La Val 08.30-10.30
 jöbia S. Martin 09.00-11.00
 vëndres S. Martin 08.00-09.00 La Val 10.00-12.00

Le dotur Edaurd Agreiter é demez dai 29 de ma ai 02 de jügn (lönesc – vëndres) y vëgn sostitui dala doturia Margarete Mahlknecht (0474 52 3018 / 349 06 67 034).

PLOANIES DA SAN MARTIN Y LUNGIARÜ

Al é dërt, ch'i s'ausunse da tó pert ince ala mëssa de n'atra Cöra. Chësc vel ince por les mësses ia por l'ann. I fedei ne dess nia ciaré stort, sc'al röia te dljia ince credënc de n'atra Cöra.

Le Ploan.

Domisdé de spiritualité en sabeda, ai 27 de ma, a Bornech dales 15.00 ales 17.00 tla dljia di Capuzineri y en domënia, ai 28 de ma, tla dljia a Oies dales 16.00 ales 18.00: al vëgn tigní n domisdé cun adoraziun eucaristica, mëssa y benedisciun cun fr. Gabriel Hüger y so fre primiziant, poscibilité da se confessé. Düc é dër bel inviá da tó pert!

La Uniun dles porsones vëdues y sores inviëia al iade a Sarnthein en jöbia al 01 de jügn: dales 11.00 mëssa a Sarnthein zebrada dal degan siur Iaco Willeit, marëna a Astfeld, sura le Ju de Pens y dales 17.00 palsa jö dal Lodenwirt. La coriera pëia ia dala plaza de San Martin dales 7.45. Le iade cun marëna y picia marëna costa 40 euro. Anunziessse cina en domënia 28 de ma pro Monica Costa 0474 590 069 o pro la rapresentanta de osc paisc.

La Uniun dles Patrones dl comun da San Martin inviëia düc al peregrinaje ai 06 de jügn cun siur Iaco Willeit al Santuar Dreibrunden a Trafoi/Vinschgau y a Prad a vijité la ciasa dl parch nazional Aquaprad. Prenot. pro Lucia 338 99 18 326 o pro Loise 0474 590 026.

SAN MARTIN

La Uniun di Omi da San Martin: Al pëia indô ia les prozesciuns d'aisciöda. I se metun sön tru, nia por jí da susc, mo por jí, perian y ciantan deboriada. I n'un nia bria da se chirí n compagn, mo i jun cun chi, pro chi ch'i rovun. Y dantadöt n'orunse lascé danterite jí degügn da susc. Chël n'é nia bel y ne passenëia nia pro na comunité che präia.

En dedemesaledema, ai 24 de ma, vëgnel indô sié la cortina dales 17.00 inant; tl caje de bur tëmp vëgnel sié le de do, jöbia. Chi che á dlaurela vëgn dër bel peria da gní a daidé.

I maridá iubilars che é interessá da ciafé na CD cun les fotografies dla festa, po contaté Leo 348 40 96 351.

LUNGIARÜ

Al vëgn dër bel perie do le contribut por la ploania de 20 euro por porsona, tuc fora i studënc, che vëgn trat ite les domënies, 21 y 28 de ma do mëssa, te calonia.

Dé Internazional tl Museum Ladin en domënia ai 21 de ma. Entrada debann. Tl ciastel de Tor vëgnel pité a gragn y picia de vigni sort de strinéc. Les rapresentaziuns é dales 14.30 y dales 16.30. Davert dales 14.00 - 18.00. Da odëi é ince la mostra dla Trienala Ladina. Tl Museum Ladin a San Ciascian respogn n paleontologh ales domandes sura corëc, an pó porté da ciasa peres y le geolog spliga de ci sort ch'al se trata. Le Museum é davert dales 10.00 ales 18.00 y les incuntades é dales 11.00, 14.30 y 16.00. Düc é inviá.

Le Patronat dl Sindacat Sgb Cisl vëgn tl Raiun Sozial Picolin a ti pité ala jënt la poscibilité da se lascé fá debann la EÈVE, che vëgn adorada por deplü sorts de domandes do contribuc y alisiraziuns, vigni secundo y cuarto dedolönesc dales 15.00 ales 17.00 tla 3^a alzada dl Raiun Sozial a Picolin; an n'á nia bria da se prenoté. Informaziuns 0474/375200.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
 redaziun: anton.gasser@rolmail.net - 348 27 44 517 / 0474 523 194

21.05.17 – 28.05.17 nr. 26

termo da publiché: jöbia 20.00
 radio: 90,40 / 93,70

SESTA DOMËNIA DE PASCA – A

Vangele: Jan 14,15-21

Sc'i m'orëis bun, se tignarëise a mi comandamënc, y iö periarà le Pere, y èl ves darà n'ater paraclèt, che dess restè pro os por dagnora.

Al é le Spirit dla verité, che le monn ne po nia ciafè, deache èl ne le vëiga nia y ne le conësc nia.

Os indere le conescëis, ciodich'al sta pro os y sarà te os.

I ne ves lasciarà nia indô sciöche òrfanns,

mo i vëgni indô da os.

En chël dé conesciarëise:

Iö sun te mi Pere, os sëis te mè, y iö sun te os.

Chël che tol sö mi comandamënc y se tëgn a d'èi, chël m'ò bun;

a chël che m'ò bun, ti vëgnel orü bun da mi Pere,

y ince iö ti orarà bun y a chël me darai da conësc.

„No t'un jí!“ De pici mituns ciafa la ria
 y mët man da pité y da se desperé,
 sce uma o pere o porsones de confidënza s'un vá.
 Plü ch'ai se tëm da resté susc,
 tan plü rí él da ti dí: „I mëssi m'un jí.“
 Gejú sá chësc y impormët che zacai d'atri,
 gnará a dé confort y aiüt.

Le vangelist San Jan ti dij tl lingaz grech „Paraclet“

(chël ch'i podun cherdé a nes defëne, a nes daidé y nes conforté).

Le Spirit Sant nes vëgn nia ma impormetü canch'i l'adorun propi.

Al é te vigni situaziun y te vigni bojëgn da nosta pert,

anfát sc'i ciumpedun ma o sc'i tomun dassënn y ne sun nia plü bugn da lové sö.

Al é chiló, al nes tëgn y variëia cun nos,

al nes deura l'odlada y nes dá ares.

Zënza èl ne sciafiassun nia da diventé cristians, discepui de Crist.



	SAN MARTIN	LUNGIARÜ
21.05.17 6^a DOMÈNIA DE PASCA -A	9.00 Corona 9.30 Gran Mëssa 19.30 Corona de ma sö Ju	7.55 Corona 8.15 Gran Mëssa en onur de Santa Rita da Cascia 15.00 Corona tla Capela da Seres
22.05.17 Lönesc Rita da Cascia, Renata	19.30 Corona de ma a Picolin	20.00 Corona de ma tla capela de S.Ujöp
23.05.17 Dedolönesc Berto, Desider	19.30 Mëssa families de Doro Verginer dl ann + Erwin Rungger dl ann + Paul Vantsch + Ida Flöss + Sepl Dejaco	
24.05.17 Mercui S. Maria dal Aiiüt, Ester De d'oraziun por la Dlijia tla Cina	19.30 Corona de ma a Bioch 20.00 Corona de ma sö Frëina	7.30 Mëssa 3 ^a de sopoltöra de Iaco Mischi por les Animes
25.05.17 Jöbia Beda, Gregöre	18.20 Prozesciun a Bioch 19.30 Mëssa a Bioch + Giovanni Pescoller ++ Giovanni y Maria Verginer, Chessl	18.45 Prozesciun a Bioch 19.30 Mëssa a Bioch ++ Chiusura
26.05.17 Vëndres Filip Neri, Maria Anna Al mët man la novëna al Spirit Sant	19.00 Prozesciun a Picolin 19.30 Mëssa a Picolin + siur Angel Morlang ++ Maria y Sabina Flöss + Artur Conrater	6.00 Prozesciun a San Martin Mëssa a San Martin + Rita Pezzei
27.05.17 Sabeda Augustin, Bruno	6.00 Prozesciun da S. Martin a La Pli (7.45 da Framacia demez) 9.00 Mëssa a La Pli 15.30 Mëssa tla Ciasa de Palsa 18.30 Mëssa prefestia +++ Ferdigg, Burchia y Pescosta + Pire Tavella, Cëch	6.00 Prozesciun da S. Martin a La Pli (7.45 da Framacia demez) 9.00 Mëssa a La Pli 14.00 Noza de Franca Frenademetz y Theodor degöna mëssa prefestia
28.05.17 ASCENSIUN DL SIGNUR Assënza / Palsacrusc	9.00 Confermaziun cun le Vësko Ivo M. Ingres dal paiun dla musiga Mëssa en terz, impromisciuns dl bato y eucaristia (dan mëssa é la dljia sarada) 18.00 Mëssa da sëra 19.30 Corona sö Ju	7.40 Corona 8.00 Gran Mëssa 15.00 Corona tla Capela da Seres



periede
y al ves
gnarà dè

I dis dles crusc

A vigni manira, ince sc'i ne ciafun nia
döt do ci ch'i periun, podunse ester
sigüsc de ciafé da Chël Bel Dî so
Spirit Sant. (Lüca 11, 13)

Te so Spirit ciafunse la forza,
la consolaziun y le confort
da jí por nosc tru, ince sc'al é curí
de dificultés y de crusc.

Mo i ne periun nia ma por ciafé val'.
Perié é tó sö contat cun Chël Bel Dî
y é bele le mëteman dla vita eterna.
Perié n'é nia n'ativité secundara tla vita,
mo al é l'ativité plü alta de n cristian,
al é n podèi tó pert ala vita de Dî.

Confermaziun

I periun por
nüsc jogn
y jones
che vá en
domënia a
confirmé
y che vëgn
confirmá:

Ai jará dan dal Vësko
a confirmé súa fede
y vëgn confirmá y incorajá
cun la forza dl Spirit Sant
da vire cun responsabilité
súa vita da cristians.

